## КАСБИ ТУМАНЛАРАРО ИҚТИСОДИЙ СУДИНИНГ АЖРИМИ

(даъво аризани кўрмасдан қолдириш тўғрисида)

## Касби тумани

2024 йил 20 август

Касби туманлараро иқтисодий судининг судьяси Х.Ч.Абраев раислигида, судья ёрдамчиси А.Убайдуллаевнинг котиблигида, Миришкор туман фермер, деҳқон ҳўжаликлари ва томорқа ер эгалари кенгаши даъвогар "ISLOMOV AKBAR BOBUROVICH" фермер ҳўжалиги манфаатини кўзлаб, жавобгар "MIRISHKOR TEKSTIL GROUP CLUSTER" масъулияти чекланган жамиятига нисбатан киритган даъво аризаси бўйича ишни тараф вакиллари иштирокисиз, Касби туманлараро иқтисодий суди биносида, очиқ суд мажлисида кўриб чиқиб, қуйидагиларни

## аниклади:

Миришкор туман фермер, дехкон хўжаликлари ва томорка ер эгалари кенгаши (бундан кейин матнда Палата деб юритилади) даъвогар "ISLOMOV AKBAR BOBUROVICH" фермер хўжалиги (бундан кейин матнда даъвогар деб юритилади) манфаатида судга даъво аризаси билан мурожаат килиб, жавобгар "MIRISHKOR TEKSTIL GROUP CLUSTER" масъулияти чекланган жамияти (бундан кейин матнда жавобгар деб юритилади) хисобидан 2021-2023 йиллардаги шартномага кўра берилмаган аванс учун 93.928.800 сўм пеня, 24.649.992 сўм рағбатлантирувчи коэффициент, 2021-2023 йилларда топширилган пахта учун асоссиз ушлаб колинган 16.205.280 сўм куритиштозалаш харажати ва унга хисобланган 8.102.640 сўм пеня, 2023 йилда режадан ортикча топширилган пахта учун 118.892.724 сўм ва унга хисобланган 59.446.361 сўм пеня, 2023 йил хосилидан 667.008.319 сўм карздорлик ва унга хисобланган 333.504.159 сўм пеня, 39620 кг шрот учун 115.005.000 сўм, 28030 кг шелуха учун 91.966.430 сўм, 12750 кг пахта ёги учун 186.660.000 сўм ундиришни сўраган.

Бугунги суд мажлисида тараф вакиллари иштирок этмади. Тарафлар суд мажлиси вакти ва жойи ҳақида белгиланган тартибда тилхат орқали огоҳлантирилган бўлса-да, суд мажлисига келмади.

Мазкур холатда суд ишни Ўзбекистон Республикаси Иктисодий процессуал кодекси (бундан кейин матнда ИПК деб юритилади)нинг 128, 170-моддасига асосан ишни тараф вакиллари иштирокисиз кўриб чикишни лозим деб хисоблайди.

Суд, такдим этилган ва ишдаги мавжуд хужжатларни ўрганиб чикиб, куйидагиларга асосан даъвони кўрмасдан колдиришни лозим деб топади.

Иш хужжатларидан аникланишича, Касби туманлараро иктисодий судининг 4-1805-2302/1292-сонли иктисодий иши бўйича 2024 йил 9 февралдаги хал килув карори билан "MIRISHKOR TEKSTIL GROUP

CLUSTER" масъулияти чекланган жамияти банкрот деб топилган ва тугатишга доир иш бошланган.

Қашқадарё вилоят суди Иқтисодий ишлар бўйича судлов ҳайъати апелляция инстанциясининг 2024 йил 14 мартдаги қарори билан Касби туманлараро иқтисодий судининг 2024 йил 9 февралдаги ҳал қилув қарори ўзгаришсиз қолдирилган.

Қашқадарё вилоят суди Иқтисодий ишлар бўйича судлов ҳайъати тафтиш инстанциясининг 2024 йил 16 апрелдаги қарори билан Касби туманлараро иқтисодий судининг 2024 йил 9 февралдаги ҳал қилув қарори ҳамда Қашқадарё вилоят суди Иқтисодий ишлар бўйича судлов ҳайъати апелляция инстанциясининг 2024 йил 14 мартдаги қарори бекор қилинган.

Ўзбекистон Республикаси Олий суди Иқтисодий ишлар бўйича судлов ҳайъати тафтиш инстанциясининг 2024 йил 18 июлдаги қарори билан Қашқадарё вилоят суди Иқтисодий ишлар бўйича судлов ҳайъати тафтиш инстанциясининг 2024 йил 16 апрелдаги қарори бекор қилинган ва ишни янгидан кўриш учун Қашқадарё вилоят суди Иқтисодий ишлар бўйича судлов ҳайъатига юборилган.

Шунингдек, Касби туманлараро иқтисодий судининг 2024 йил 12 августдаги 4-1805-2401/1136-сонли ва 4-1805-2401/1409-сонли ажримлари билан "MIRISHKOR TEKSTIL GROUP CLUSTER" масъулияти чекланган жамиятига нисбатан тўловга қобилятсизлик иши қўзғатилиб, 2024 йил 12 августдан кузатув жорий қилинган.

ИПКнинг 107-моддаси 9-бандига кўра, жавобгарга нисбатан тўловга кобилиятсизлик тўғрисида иш кўзғатилган бўлса ва жавобгарга нисбатан такдим этилган талаб қонунга кўра тўловга кобилиятсизлик тўғрисидаги иш доирасида кўрилиши лозим бўлса, суд даъво аризасини кўрмасдан колдиради деб белгиланган.

Ўзбекистон Республикаси Олий судининг 2019 йил 24 майдаги 13-сонли "Биринчи инстанция суди томонидан иктисодий процессуал конун нормаларини кўллашнинг айрим масалалари тўғрисида" ги Қарорининг 21-бандида даъво аризасини кўрмасдан колдириш низонинг мазмуни бўйича хал килув карори кабул килмасдан туриб суд мухокамасини тамомлаш шаклларидан бири хисобланади. ИПКнинг 107-моддасида кўрсатилган даъво аризасини кўрмасдан колдириш асосларининг рўйхати тугал хисобланади ва кенгайтирилган тарзда талкин килинишига йўл кўйилмайди. Даъво аризасини кўрмасдан колдириш тўғрисида суд ажрим чикаради ва у ИПКнинг 108-моддаси талабларига мувофик бўлиши кераклиги ҳакида тушунтириш берилган.

ИПК 118-моддасининг биринчи қисмига асосан суд харажатлари ишда иштирок этувчи шахсларнинг қаноатлантирилган даъво талаблари миқдорига мутаносиб равишда уларнинг зиммасига юклатилиши белгиланган.

Ўзбекистон Республикаси Президентининг "Фермер, деҳқон хужаликлари ва томорқа ер эгалари фаолиятини янада ривожлантириш буйича ташкилий чора-тадбирлар тутрисида" 2017 йил 10 октябрдаги ПҚ-3318-сонли қарорининг 3-бандида фермер, деҳқон хужаликлари ва томорқа

ер эгалари манфаатларини кўзлаб судга давлат божи тўламасдан даъво аризалари, давлат ва хўжалик бошқаруви органлари, маҳаллий давлат ҳокимияти органларининг қарорлари, уларнинг мансабдор шахслари хаттиҳаракатлари (ҳаракатсизлиги) устидан шикоятлар тақдим этиши, бунда даъво аризасини қаноатлантириш рад этилганда манфаати кўзлаб даъво аризаси киритилган фермер, деҳқон хўжаликлари ва томорқа ер эгаларидан давлат божи ундирилмаслиги белгиланган. Суд мазкур қоидани даъво аризаси кўрмасдан қолдирилганда қўлланилиши лозим деб ҳисоблайди.

Баён этилганларга кўра суд, даъвони кўрмасдан қолдиришни, ишни кўриб чиқиш натижалари бўйича давлат божи ундирмасликни, олдиндан тўланган 34.000 сўм почта харажатини даъвогар зиммасида қолдиришни лозим деб топди.

Юқоридагилардан келиб чиқиб ҳамда Ўзбекистон Республикаси Иқтисодий процессуал кодексининг 107, 108, 170, 195, 196-моддаларига асосланиб, суд

## ажрим килди:

Миришкор туман фермер, деҳқон хужаликлари ва томорқа ер эгалари кенгашининг даъвогар "ISLOMOV AKBAR BOBUROVICH" фермер хужалиги манфаатида берган даъво аризаси курмасдан қолдирилсин.

Олдиндан тўланган 34.000 сўм почта харажати даъвогар зиммасида колдирилсин.

Ажрим нусхаси тарафларга юборилсин.

Ажримдан норози томон бир ой ичида апелляция тартибида шикоят қилиши (протест келтириши) мумкин.

Судья Х.Ч.Абраев

